

平陰縣志序



粵稽周官小史掌邦國之  
志外史掌四方之志志紀  
也紀郡邑之史也今郡邑  
視古侯國然無史官言厥

陳亭

地者訪故老蒐遺編鑿前  
式後克成一方之史亦猶  
行古之道也余不敏于順  
治己丑筮命山左之平陰  
邑經兵燹荒廢垂十餘年

四境蕭條蒿萊迷目兼值  
前令債輓之後士民驚覓  
慄慄城中虛無人余投茲  
艱地憂切中懷因竭駑鈍  
招流移勤勸卹極意拊循

陳序二

亟請於上先減無田之賦  
期年後哀鴻漸集邑稍稍  
有起色乃於簿書之暇念  
平陰古鄒魯地鄰洙泗鳧  
嶧間在昔固制作文物之

邦爰詢邑乘意典章存焉  
庶其間州野之分畫山川  
之表鎮官府之建置學校  
之興修橋梁郵舍之措列  
可借稽討且夫風氣之淳

應亭三

漓吏治之隆汙民生之休  
戚人文之盛衰財賦之盈  
絀防禁之疎密因革損益  
之具可備厥法戒以資興  
釐奈喪亂頻仍典籍散軼

而舊志無復存者余聞之  
憮然曰邑之弗志何以傳  
後是余之責也夫乃進趙  
君紫垣張君也顛而請之  
曰兩君子稱邑中博雅士  
盍爲余任之以爲簡冊光  
于時蒐輯舊乘殘缺之餘  
猶獲大半可佐稽核復採  
所未備共兩君子砥勵數  
月而書成郵致京師求

大司空朱嵩若先生裁定  
未獲命移判鹺務旋之閩  
守泉州轉運山左移河東  
歷中州自秦臬特調吳門  
回憶作令時迄今閱二十

陳序五

年其艱苦况瘁心力所及  
之處未嘗一日去諸懷也  
聞大司空已作古人而茲  
志未審沉浮時爲慨惋今

春

劉山臞先生以督糧如越  
道過姑蘓持抄錄平陰志  
四冊示余曰是書也倘亦  
君所願見者乎余對之距  
躍何幸當日成勞於斯復  
親繼乃知爲今

陳善

少司馬孫忤庭先生得於  
其門人鄒子而加潤色者  
物之離合信有數存于其  
獨茲編之不失豈亦有若

或冀之者聊少可馬託山  
臞先生轉錄且寓書于余  
屬序余既樂逢故物又喜  
平邑文獻猶存值

聖天子允修一統全志度不令

陳序七

盛事有不備之美是志傳  
而余當日區區考稽之心  
亦幸藉之以俱傳矣向爲  
案牘所苦未得操觚從事  
今特寄數言附諸君子後

以紀始末云

浙江等處承宣布政使司

布政使前江南等處提刑

按察使河南按察使山西

分守河東道布政使司左


陳序八

叅政山東鹽法道運使福

建泉州府知府膠萊運判

知平陰縣事三韓陳秉直

書



陳序九

平陰縣志叙

聞之邑先正云平志凡再修至  
何大叅敬庵先生義類始具爲  
集二册余嘗見其紀載大抵叙  
述簡質所記城郭山川戶口田  
賦風俗物產之宜悉核實以備

朱序一

考鏡卽臧否人倫表揚選哲標  
舉特嚴無溢美也平慕爾彈丸  
地不隣通都大邑自晉以來風  
尚素樸紳士敦尚禮教以義讓  
相先故民務本業詐虞凌競之  
事不聞於耳明神宗朝壬子癸

五閭猶然余時數齡尚稍稍覩  
記之觀於舊志可依禘其盛焉  
浸假而壞於勢利或憑貴要以  
折士氣或附權力以侵細民而  
邑爲之一變浸假而壞于寇亂  
邨落悉萑苻之道而郊無樂土

卷之二

士夫畏潢池之寇而境無寧人  
而邑爲之一變又浸假而壞於  
傾軋萑非行而戕殺遍於善類  
虐害深而炮烙中於無辜而邑  
更爲之一變前後三十餘季有  
此三變而一邑之元氣岌岌盡

矣故分誼不著而上下森章是  
非弗別而各行罔顧江河日下  
言之傷心嗟乎不獨往晉之流  
風遺躅不可復追而兵火頻仍  
書籍散落卽欲求舊志一稽考  
之亦曷可得哉己丑冬二韓

朱序三

陳侯來蒞茲土士民當塗炭之  
餘身家糜爛生全者視息僅存  
逃匿者驚覓猶悸一切生業悉  
所未遑侯乃多方招徠曲爲體  
恤弛恣外之令蠲額外之繇挾  
無丁之糧清無田之賦力諄於

上民困曰蘇爲之期年瘡痍漸起隴畝有荷耒之夫庠序有執經之士矣乃於聽政之暇詢及邑乘僉以爲久罹禍亂博訪無從侯乃銳意修輯期存文獻進紫垣也顛兩君而命之屬以著作之任適紫垣旁蒐舊志幸獲大半雖往蹟漫滅而保殘守缺猶爲信而有徵兩君復遠稽近採共出心裁詳爲編次侯虛衷鑒定不數月而書成較之前賢斐然大備矣且不遠千里馳寄

京師使余序諸簡末且俾贊游  
夏之辭余不文安敢以意爲損  
益惟是感矣之意不敢重違爲  
之一再參訂觀所載舊志藝文  
有首尾脫簡不可辨識者裁而  
去之其增入諸作名製如林稍

不序五

簡一二明乎志平之書惟涉乎  
平者斯志之耳且間爲斷章取  
裁微詞示尚後之學士大夫洞  
觀古今博綜史籍風土人物可  
目知其槩矣至稱述論斷之際  
援引古晉出入風雅作者自有

達識何容輕議焉自侯曰上績  
奏最遷判鹺政尋以特舉蓬守  
閩中治聲洋溢今

聖天子留心吏治首重循良節鉞之  
授推轂匪遠年來平邑子遺頓  
釋重累中澤息羽矣德良多卽

朱亭六

曰茲志復存星懸眉列國侯倡  
之盛事孰彰其矣侯之大有造  
於平也

順治戊戌仲春之吉

光祿大夫工部尚書加一級營  
吏部左右侍郎事前工部左

侍郎通政使司通政使克乙未  
科

殿試讀卷官太常寺卿左右通政太  
僕寺少卿掌河南道事提督直  
隸學政巡按宣大巡視河東鹽  
課雲南道御史禮部主客司郎

朱序七

中前進士邑人朱鼎延序

平陰縣志舊序

平陰在春秋爲名邑歷秦及漢疆宇奠安迨宋永嘉之變先後爲石趙元魏所據者幾三百年至宋建炎之後金元代興地盡淪於北朝當是時生茲土者蓋亦忘其爲華矣而何文獻之足徵我明太祖混一區宇嗣後以方輿之重不可無紀乃命儒臣纂一統志聖賢之典章文物寰宇之山川區域至是始有所稽平陰僻處下里士罕聞見故邑志久爲缺典正德甲戌邑博天台夏君鑑取前進士王君瓌所草志畧稍平陰縣志

何序

一

事刪定輒卽付梓顧外逸居多觀者不便今其刻逸者過半矣萬曆甲戌關西一庵樊公來蒞茲邑甫及期庶務修舉百度維新念茲邑志殘缺乃以其事屬晏自份衰廢昧無所知識然自慶遭際清時且重樊公之請未敢辭也已而謀諸邑博何君受齋李君兩寒樵諸友以共事晏乃稽典籍採故實次以耆民叅舊志其者以釐訛者以正遺者以續冗者以刪雜辨方考輿疆理爲重論世別代典廢攸關是故書圖考書建輿沿革象緯垂示因地隨異然坊市畫界維